

Na osnovu člana 72. Zakona o javnim nabavkama Bosne i Hercegovine („Službeni glasnik BiH“, br. 39/14) a nakon provedenog postupka nabavke putem konkurentskog zahtjeva u postupku javne nabavke roba- **Nabavka računarske opreme za poslovne jedinice Preduzeća**, objavljenom na Portalu javnih nabavki broj: 281-7-1-255-3-10/17 dana 22.11.2017 godine, zaključen je

## U G O V O R

Između:

**1. KJKP "Tržnice-pijace" d.o.o. Sarajevo, ul. Mula Mustafe Bašeskije 4a, Sarajevo, ID: 4200683020005, koga zastupa direktor Jasmin Terović (u daljem tekstu: Ugovorni organ)**

i

**2. „REGULATOR“ d.o.o. Sarajevo, ul. Kolodvorska br.11A, ID: 4202070510002, kojeg zastupa direktor Tarik Cerić (u daljem tekstu: Dobavljač)**

### Član 1.

Ovim Ugovorom ugovorne strane su se sporazumjele da će Dobavljač izvršiti nabavku, isporuku, montažu i puštanje u rad računarske opreme za potrebe Ugovornog organa.

Ugovor se zaključuje na osnovu provedenog konkurentskog zahtjeva za dostavu ponuda objavljenog na Portalu javnih nabavki broj: 281-7-1-255-3-10/17 od 22.11.2017. godine.

Sastavni dio ovog Ugovora je prihvaćena Ponuda Dobavljača broj: 124/2017 od 05.12.2017. godine, sačinjena prema specifikaciji iz Tenderske dokumentacije.

### Član 2.

Ugovorene strane su se međusobno sporazumjele da će se ugovorene robe isporučivati i plaćati prema utvrđenim jediničnim cijenama iz dostavljene ponude Dobavljača. Jedinične cijene utvrđene su u ponudi Dobavljača, u ukupnom iznosu od 12.000,00 KM, bez PDV-a (slovima: dvanaesthiljada 0/100), odnosno 14.040,00 KM sa PDV-om (slovima: četrnaesthiljadačetrdeset 00/100) i ne mogu se mijenjati u toku trajanja ovog Ugovora, niti se mogu uzimati za razlog neisporuke robe prema ugovorenim uslovima. Porez na dodanu vrijednost će se obračunati u skladu sa Zakonom.

### Član 3.

Ugovor se zaključuje na period do 30/trideset/ kalendarskih dana, a stupa na snagu danom obostranog potpisivanja. Ugovorni organ zadržava pravo potpune ili djelimične realizacije nabavke roba po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

### Član 4.

Dobavljač se obavezuje da će izvršiti isporuku predmetne robe, u skladu sa potrebama i zahtjevu od strane Ugovornog organa, a prema pismenoj narudžbenici Ugovornog organa.

Dobavljač se obavezuje da će naručenu robu dostaviti, montirati i pustiti u rad u roku do 30 kalendarskih dana od momenta potpisivanja ugovora.

Dobavljač se obavezuje da će predmetnu robu dostaviti, montirati i pustiti u rad na adresi Ugovornog organa.

Dobavljač se obavezuje na garantni rok za isporučenu i montiranu robu u trajanju do 36 /tridesetšest/ mjeseci, prema uslovima iz Tenderske dokumentacije i prihvaćene ponude.

### Član 5.

Osnov za plaćanje isporučenih roba jesu fakture/računi koje Dobavljač ispostavlja Ugovornom organu za uredno isporučenu robu.

Na ime isporučenih roba Ugovorni organ je dužan izvršiti uplatu na žiro račun Dobavljača broj: 3387202206439118, kod UniCredit Banke i to u roku od 30 dana od datuma ispostavljanja fakture.

### Član 6.

Ugovorni organ zadržava pravo da prilikom isporuke robe izvrši kvalitativni i kvantitativni pregled iste, na licu mjesta. Sva roba na kojoj se prilikom isporuke ili prilikom raspakivanja originalnih pakovanja ustanove bilo kakvi nedostaci ili odstupanja od uslova iz Tenderske dokumentacije, na zahtjev Ugovornog organa, bit će od strane Dobavljača zamjenjena u roku od 3 dana.

### Član 7.

Svi uslovi iz Tenderske dokumentacije broj: 31/17 od 22.11.2017. godine, čine sastavni dio Ugovora. Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, nadležan je Sud u Sarajevu.

### Član 8.

Svaka od ugovornih strana može otkazati ovaj Ugovor pismenim putem, uz otkazni rok od 30 (trideset) dana i iz drugih razloga propisanih Zakonom o obligacionim odnosima.

### Član 9.

Ovaj Ugovor stupa na snagu danom potpisivanja obje ugovorne strane.



### Član 10.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:  
„REGULATOR“ d.o.o. Sarajevo

  
  
Direktor, Tarik Cerić

UGOVORNI ORGAN:  
KJKP "Tržnice pijace" d.o.o. Sarajevo

  
  
Direktor, Jasmin Terović

Broj: 051/21/2017  
Sarajevo, 26. 12. 2017. godine

Broj: 31-11/17  
Sarajevo, 26.12.2017. godine